



Universitätsbibliothek Paderborn

**Sancti Bonaventvræ Episcopi Cardinalis Albanensis,
Seraph. Doctoris Ecclesiæ, Speculum Disciplinæ, Et
Profectus Religiosorum: Libelli ad pietatem vtilissimi**

**Bernardus <de Bessa>
Bonaventura <Heiliger>**

Antverpiæ, 1591

De quatuor vtilitatibus castitatis. Cap. LIII.

[urn:nbn:de:hbz:466:1-53148](#)

libidinem resoluuntur. Sic etiam econuerso,
ventris exinanitio humorem luxurię arefacit
sicut cùm fons obturatur, riaulus ex eo pro-
fluens desiccatur. Vnde pro generali regula ab
omnibus spiritualibus haec tenus obseruatum
est: Qui castus esse desiderat, studeat sobrie-
tati: quia sine ea non diu castitas est secura; &
eum proficiente proficit, & eum decrecente
decrescit: hæc quidam sine ea modo fibimur
aliud nescio qua præsumptione promittant.
Omnis laus in fine canitur. Nec credo tot &
tantos virtutum inquisidores, qui predictam
secuti sunt regulam, in sua estimatione dece-
ptos. Vnusquisque enim in sua arte sapiens est.
Et studiosi virtutum fiunt in earum exercitiis
sapientes. Studiosi verò deliciarum & diuitia-
rum secularium, efficiuntur in earum proui-
hione prudētes. Luc. Filii seculi huius pruden-
tiotes filii lucis in generatione sua sunt. Ca-
stitas est virtus origine cœlestis. Hanc ipsi An-
geli sancti ab ipso Domino omnium virtu-
rum fontali principio primitus didicerunt, &
indeclinabiliter seruauerunt. Hanc summus
& unus magister noster, qui in cœlis Angelo-
rum magister est Christus Dominus noster, de
cœlesti schola ad terras, publicè docendo attu-
lit, & matrem suam gloriosam virginem per-
fectam & primam post se huius disciplinæ
magistram, in cathedra virginalis mundiciae
exteris mirandam & imitandam præfecit.

De quatuor utilitatibus castitatis.

CAP. LIII.

CASTITAS quatuor facit in præsentia.
Corpus mundificat; sicut è contrario lu-
xuria inquinat. ita ut si non esset alia merces
castitatis quam præsens mundicia, nec aliud
lxxviii

f. 125v. 7.21
luxuriæ supplicium nisi eius fœdiras, castitatis honestas esset amplectenda, & turpitudo luxuriæ horrenda. Item mentem liberam facit & expeditam: quia nec pto vxoris prouisione; nec pro filiorum educatione solicitum reddit; nec affectus dilectionis ad coniugem & ad filios ligat; nec spiritus zelotypiæ castum exagit; nec solicitus est quomodo uxori placeat, vel qualiter hæredes diuites faciat; nec quæcum generos vel natus; nec est seruus affinium suorum, soli sibi viuens, & pro se solo solicitus est, in seipso quiescens. Multa sunt de quibus oportet coniugio ligatos esse solicitos, ita quod illa carnis delectatio, nullo modo est eis iucunda, quam anxietas variarum curarum quas patiuntur onerosa; quas Apostolus tribulationem carnis appellat. Vnde idem Apostolus ad Corinthios: Volo vos sine sollicitudine esse, &c. Item conscientiâ lœtificat: quia gratum Deo præstat obsequium, qui carnis dulcedinem respuit, quam mundus pro magno concupiscit. Lœtificat autem, quia Deo placet, Deum placat, & Deo proximate facit, & Dei offensam cauet in delectatione carnali, & præmium cælesti meretur, & Deum auctorem munditiæ per castitatem imitando sequitur, cum sit gloria magna sequi Dominum, qui nos præcessit in munditia castitatis, virgo virginis filius, virginum sponsus. Item tam hominibus quam Angelis amabilem facit & specabilem. Hominibus, quia tam boni quam mali venerantur eam: Angelis, quia cum naturaliter omne animal diligit simile sibi, etiam Angeli casti, homines castos familiariter diligunt.